



SURUHANJAYA PILIHAN RAYA MALAYSIA

KENYATAAN MEDIA

Bil. 20 /2019

PROSES PENAMAAN CALON PILIHAN RAYA KECIL (PRK) DUN N.24 SEMENYIH, SELANGOR

1. Hari ini proses Penamaan Calon bagi Pilihan Raya Kecil (PRK) DUN N.24 Semenyih telah dijalankan.
2. Selepas tempoh penamaan calon ditutup pada jam **10.00 pagi**, SPR telah menerima sebanyak 4 kertas pencalonan bagi PRK ini.

SENARAI PENCALONAN YANG DITERIMA:

- i). MUHAMMAD AIMAN BIN ZAINALI (PAKATAN HARAPAN) (9.03 PAGI)
- ii). ZAKARIA BIN HAJI HANAFI (BARISAN NASIONAL) (9.05 PAGI)
- iii).KUAN CHEE HENG (BEBAS) (9.10 PAGI)
- iv).NIK AZIZ AFIQ BIN ABDUL (PARTI SOSIALIS MALAYSIA) (9.10 PAGI)

3. Dengan selesai proses penamaan calon tersebut, maka **bermulalah tempoh rasmi berkempen sehingga jam 11.59 malam, 1 MAC 2019**.

PEMANTAUAN KEMPEN OLEH PP-KPR

4. Bagi tujuan memantau aktiviti berkempen sepanjang tempoh rasmi berkempen, SPR telah menukuhan **EMPAT (4) Pasukan Penguat Kuasa Kempen Pilihanraya (PP-KPR)** selaras dengan peruntukan undang-undang di bawah **Seksyen 27B Akta Kesalahan Pilihan Raya 1954**.

5. Pada penamaan calon kali ini, SPR telah menyediakan **SURAT AKU JANJI** untuk ditandatangani oleh calon yang mengandungi **10 JANJI** mematuhi segala peraturan yang ditetapkan di bawah Akta Kesalahan Pilihan Raya 1954 dan mana-mana undang-undang serta peraturan yang berkaitan sepanjang tempoh 14 hari berkempen bermula selepas pengisytiharan nama calon-calon pada 16 Februari 2019 sehingga 11.59 malam pada 1 Mac 2019.
6. Untuk makluman, pihak **SPRM** juga telah membuka bilik **gerakannya** di Pejabat MPKj dan akan beroperasi selama 24 jam selain daripada operasi di Pejabat SPRM Selangor, Wilayah Persekutuan Kuala Lumpur dan Ibu Pejabat di Putrajaya pada waktu pejabat. Pegawai-pegawai SPRM juga akan membuat pemantauan di lapangan.

PEMASANGAN BAHAN KEMPEN

7. Calon **DIBENARKAN** untuk mempamer dan mengedarkan bahan kempen pilihan raya yang mengandungi gambar calon, lambang/simbol parti dan gambar pemimpin parti yang diwakilinya termasuklah lambang/simbol parti dan gambar pemimpin parti komponen/gabungan/pakatan.
8. Apa-apa bahan kempen yang boleh digunakan seperti iklan, surat sebaran, pelekat dan poster hendaklah mengandungi nama dan alamat pencetak dan penerbitnya **KECUALI** bendera, poster simbol parti dan gambar pemimpin parti atau calon yang bertanding.
9. PP-KPR boleh menurunkan bahan kempen yang berunsur negatif atau melanggar peruntukan undang-undang pilihan raya.
10. Bahan kempen yang mengandungi perkataan-perkataan yang boleh **mengembangkan perasaan jahat, berunsur perkauman dan menyentuh sensitiviti keagamaan atau yang boleh mendatangkan permusuhan** adalah **TIDAK DIBENARKAN**.

CERAMAH PERLU MENDAPATKAN PERMIT POLIS

11. Setiap ceramah perlu mendapatkan permit daripada PDRM dan PDRM berkuasa untuk mengambil tindakan bagi aktiviti ceramah yang dijalankan tanpa permit.

PENGUMUMAN KEPUTUSAN PILIHAN RAYA

12. Dijangkakan Keputusan PRK akan diumumkan **SEBELUM jam 10.00 malam.**

PEMERHATI PILIHAN RAYA

13. Bagi PRK DUN N.24 Semenyihini, SPR telah melantik **134 orang pemerhati pilihan raya** daripada **12 buah organisasi** yang terdiri daripada agensi kerajaan, Badan Bukan Kerajaan (NGO), organisasi dan dua orang individu yang berkelayakan untuk memantau proses pilihan raya ini. Mereka adalah:

BIL.	BADAN BUKAN KERAJAAN / ORGANISASI BERKELAYAKAN	BILANGAN PEMERHATI
i.	Jawatankuasa Khas Penambahbaikan Sistem Dan Undang-Undang Pilihan Raya (ERC)	11
ii.	Bersih & Adil Network Sdn Bhd (BERSIH 2.0)	14
iii.	Kelab Pemikir Politik Nasional (KPPN)	11
iv.	ENGAGE Network	11
v.	Persatuan OKU Sentral	6
vi.	Institut Darul Ehsan (IDE)	10
vii.	Malaysia Corruption Watch (MCW)	20
viii.	Pertubuhan Akademi Pendidikan Demokrasi & Kewarganegaraan Malaysia	10
ix.	Tindak Malaysia Network Service PLT (Tindak Malaysia)	9
x.	Malaysia For Free And Fair Elections (MAFREL)	10
xi.	Universiti Malaya (UM)	9
xii.	Persatuan Kebajikan Suara India Malaysia (MIV)	11
xiii.	Norazam Bin Mohd Noor - Calon PhD UKM	1

BIL.	BADAN BUKAN KERAJAAN / ORGANISASI BERKELAYAKAN	BILANGAN PEMERHATI
xiv.	Prof.MadyaDr. Muhamad Takiyuddin Bin Ismail - pensyarah Fakulti Sains Sosial dan Kemanusiaan (FSSK), UKM.	1
	JUMLAH	134

JANGKAAN PERATUSAN KELUAR MENGUNDI:

14. SPR menjangkakan peratusan keluar mengundi untuk PRK ini adalah lebih kurang **70 peratus**.
15. SPR berharap para pengundi dapat keluar mengundi untuk menunaikan hak dan tanggungjawab mereka.
16. SPR juga memohon semua pihak khususnya pihak media agar turut memainkan peranan untuk menggalakkan pengundi agar keluar mengundi pada 2 MAC 2019 nanti.

ASPEK PENAMBAHBAIKAN

17. Pada PRK ini penambahbaikan-penambahbaikan yang dilaksanakan di beberapa PRK sebelum ini akan diteruskan antaranya;
 - i) Bagi pengundi yang berumur **60 tahun** dan ke atas akan diwujudkan dua saluran.
 - ii) Tambahan waktu mengundi selama **30 minit** iaitu dari jam **8 pagi** hingga jam **5.30 petang** (sebelumnya **8.00 pagi** - **5:00 petang sahaja**).
 - iii) Menambah **31saluran baru** di Pusat Mengundi yang ramai pengundi. (**88 Saluran kepada 119 saluran**)

- iv) Penambahan petak undi di dalam tempat mengundi (saluran) kepada tiga (3) petak undi. Di mana amalan sebelumnya adalah DUA petak undi sahaja.
- v) Pengundi OKU mengundi di saluran 1. Seramai 741 orang pengundi OKU telah dikenal pasti dan berdaftar dengan JKM.
- vi) SPR akan menyiaran proses pengiraan undi secara langsung melalui media sosial SPR seperti **Facebook** dan Instagram dengan mengambil kira kesesuaianya di satu saluran di Pusat Mengundi yang terpilih. Usaha ini adalah sebagai satu pendedahan dan kesedaran kepada masyarakat mengenai proses pengiraan undi semasa pilihan raya.
- vii) Penghantaran Kad Pengundi (**Voters Card**) yang mengandungi maklumat daftar pemilih seperti Pusat Mengundi, Saluran, Bilangan dan Masa Mengundi kepada 54,471 orang pengundi untuk kemudahan dan kelancaran proses mengundi. **Walau bagaimana pun pengundi tetap perlu membawa kad pengenalan sebagai pengesahan identiti untuk mengundi.**

SEMAKAN DAFTAR PEMILIH

18. Bagi pengundi yang tidak menerima **Voters Card** mereka sarankan membuat semakan Daftar Pemilih lebih awal untuk mengetahui **maklumat pusat mengundi, saluran mengundi dan nombor bilangan** mereka melalui **Laman Web SPR (pengundi.spr.gov.my)** atau menelefon ke talian **03-88927018** atau melalui **SMS 15888** atau menyemaknya melalui **aplikasi MYSPR SEMAK**.
19. Bagi pengundi yang telah mengetahui maklumat **Pusat Mengundi, Saluran Mengundi dan juga nombor bilangan**, mereka boleh mencatat maklumat berkenaan dan membawa catatan itu ke tempat mengundi tanpa perlu menyemaknya lagi di barung SPR.

• **EKSPEKTASI SPR**

20. SPR berharap semua pengundi di DUN N.24 Semenyih ini agar dapat menjalankan tanggungjawab mereka sebagai pengundi dan tidak mensia-siakan HAK serta UNDI mereka.
21. SPR juga berharap pagar aktiviti berkempen akan berjalan dengan penuh harmoni serta tidak melanggar undang-undang dan peraturan yang ditetapkan.

Sekian dimaklumkan dan terima kasih.

AZHARAZIZAN HARUN

Pengerusi SPR

Tarikh: 16 Februari 2019 / 11 Jamadil Akhir 1440H